

TE HEHEURAA API

ATETE 1938.

E AROHA.

*TO matou mau hoa e i te mau Feia Mo'a i te mau fen-
nua maana nei, Ia orana.*

Te oaoa nei matou i te amuiraa mai ia outou e ia fanao i te parahiraa i to outou mau fenua maitai, tei faahotu mai i te mau maa maitai, e ia farerei i te fariiraa poupou o teie nei nunaa taata. Ua tae mai au, e to'u utuafare atoa, oia hoi to'u hoa o Aiona e ta maua mau tamahine ra o Katerina, Marva e o Vira, i te ava'e i mairi a'enei. Te hinaaro nei matou i to matou parahiraa i ô nei, ia rave i te mau mea au atoa no te tautururaa i te mau taata atoa ia oaoa ratou i te iteraa i te auraa mau o te oraraa mau e to'na mau tumu. O te reira ia to matou hinaaro mau, e te tiaturi nei matou e, e farii mai outou, ia matou nei, na nia i taua parau tumu ra.

Te faatae atoa'tu nei matou i te mau aroha o te Peretite-ni tahito ra o TOMA raua o MATE. Te oto nei raua i te mea e, ua haapotohia, e te ma'i, to raua parahiraa i o nei. Te here noa nei raua ia outou atoa e ua hinaaro raua i te tauturu atu ia outou na roto i te haapiiraa'tu ia here i te taata tupu. Ua maitai o TOMA i teie nei, aita râ oia i ora roa e te ani atu nei oia ia outou ia tauturu atu ia'na, na roto i te faaroo e te pure, e tae noa'tu i te hopea, ia ora roa oia i te ma'i tei tae i nia ia'na.

Te faatae atoa'tu nei o Le Roy, e to'na utuafare, i to ratou mau aroha i to ratou atoa ra mau hoa i teie mau fenua nei. Te rave noa nei ratou i ta ratou mau ohipa, i roto i te Ekalesia, i to ratou fenua, e te tiaturi nei ratou e, te itoitonoa nei te Feia Mo'a i roto i te mau mea e faauehia'i ratou ra.

Ua fraerei atoa matou ia ALAMA e to'na utuafare, ia Tihoti POROPITI e to'na utuafare e ia LEONE e to'na utuafare. E mea maitai ratou atoa e te rave noa nei ratou i te ohipa i roto i te Ekalesia. Te haamana'o noa nei ratou ia outou e te aroha mai nei ratou, no te mea ua here ratou ia outou e tae noa'tu i te hopea.

Te pure atu nei au ia itoito outou i te haamana'oraa i te mau faaueraa ta te Atua i horoa'tu i Ta'na mau tamarii e ia itoito atoa outou i te haapaoraa i te reira i te mau mahana atoa. A rave maitai i ta outou mau ohipa atoa ia navai te maa e te aahu e noaa mai ia outou i te mau mahana atoa.

Ia oaoa outou e ia here te tahi i te tahi i te mau taime atoa.

Papaiha e K. R. Setephano Peretiteni.

NO TE TAA E RAA

E TE mau hoa atoa i teie paeau fenua nei, ua maoro rii a'enei to maua faaeearaa i rotopu ia outou, e i teie nei te ho'i atu nei maua i to maua fenua ai'a. No reira, te aroha'tu nei maua i te mau taeae, te mau tuahine e te mau hoa atoa; e te tiaturi papu nei maua e, e faafarerei faahou hia tatou na roto i te ohipa e te maitai o te Fatu.

E mea faito ore te mauruuru i roto i to maua aaui a parauhia'i maua ei Orometua no te haere i to outou mau motu nehehehe i ropu mau i te moana. E no te rahi o te mau fenua tei taeahia e maua, ua rahi te mau taata ta maua i ite, e ua oaoa atura maua i te farereiraa ia outou atoa na, E te faatae atu nei maua i teie parau rii aroha hopea ma te oto i te taa-e-raa.

Ia maitai noa outou i raro a'e i te Hau e i te Atua ra.

Papathia e Tena raua o Beni'amina Orometua.

O outou, e ere i te nunaa no te Atua i mutaa iho, i teie nei râ, e nunaa no te Atua: o outou tei ore i arohia i mutaa iho, ua aroha hia mai ia i teie nei.

I PETERO 2:10.

EDITORIALE.



MAI te huru ra e hoê hanere matahiti, e tau tiahapa, i mairi a'enei, te faaea ra i te oire ra o Lebanona, New Hampshire, te hoê tamaiti tei tae i te ono, e a ore ra, i te hitu o to'na matahiti. Ua ma'i hia te avae o taua tamaiti ra e ua huru maoro taua ma'i ra i te vairaa i nia ia'na, oia hoi, ua pê te ivi o to'na avae.

No te rahi o to'na mauui, ua iti roa to'na taime taotora, e i roto i na hepetoma e piti, ua haapao noa to'na mama ia'na e i te paura te rei-

ra na hepetoma ra, paruparu roa a'era to'na tino, e no reira ua haapao atura to'na tuaana ia'na.

Ua tamata noa te mau taote i te tapu i to'na ra ava'e, e aita roa ra i ora, e i te hopea ua na ô mai te mau taote e, aita'tu ravea toe ra, maori ra ia tapu roa i te avae, e i reira e ora ia oia. Area ra, ua na ô mai taua tamaiti ra, eita roa oia e faatia i taua ohipa ra e ua hoê atoa te mana'o o to'na mama.

I muri iho na parau faahou te mau taote, e tapu faahou ratou i to'na avae, no te hi'oraa i te huru, e e ora anei. Ua opua ratou e, i muri a'e i te tapuraa e ofati ratou i te ivi no te iritiraa mai i te mau vahi i pê ra. I taua tau ra aita â i iteahia te mau raau faataoto no te tapuraa, maori ra te ava. Aita hoi taua tamaiti ra e inu ana i te reira, no reira, parau atura oia, mai te mea e faaea to'na papa i pihaiho ia'na, e faaoromai ia oia noa'tu te rahi o te mauui.

Ua parau atura te taote, eita e tia ia na reira oia, e i te hopea ua parau atu to'na papa, ua ite au e, e tamaiti maitai teie, no reira a tamata i te tapuraa. Na ô atura te tamaiti, hou te haamataraa o te ohipa, e mea tano ia haere to'na mama i rapae, e ua reirahia ihoa. I te taime matamua i ofati ai ratou i te ivi, ua ta'i oia, e ua horo mai to'na mama i roto i te piha.

I te reira taime ua na ô atura taua tamaiti ra, mai te mea e haere faahou to'na mama i rapae, eita oia e ta'i faahou. E toru taime to te mau taote ofatiraa i te ivi, no te iritiraa mai i te mau vahi i pê, e aita roa taua tamaiti ra i ta'i faahou.

No reira e maere mau outou ia faaroo e, ua maiti mau hia te reira tamaiti, e te Atua, ei Peropheta na'na ra. E e mea papu e, na roto i teie ati, ua haapii te Atua ia IOSEPHA SEMITA. No te aha ?

No te mea ua hinaaro te Atua ia riro taua tamaiti ra o *Iosepha* ei taata faaroo maitai e ei taata maru, e ia riro atoa oia ei Peropheta mau Na'na ra.

Papaihia e NOELA Orometua.

TE PARAU AUTAHU'ARAH.

Haapiiraa no te Ava'e SETEPA.

Te mau irava Bibilia tauturu:

Apokalupo 20:1-7; Isaia 11:6-9; 65:17-25.

[*Sabati matamua*]

Eaha te faaipoiporaa ? Eaha te huru o te faaipoiporaa matamua ? E utu'a anei to te haapao oreraa i te ture no te faaipoiporaa ? E vai mana anei te ture faaipoiporaa i te ao a muri atu — Nahea te parau i roto i te Mataio 22:30.

[*Te Piti o te Sabati.*]

A paraparau i nia iho i te faaipoiporaa pae varua. Eaha te hoê mau haamaitairaa e roa mai na roto i te haapaoraa i teie nei ture ? No te aha aita i tia ia tatou e faaipoipo, i te pae varua, i roto i to tatou mau fare pureraa nei ?

Parau tauturu: *Te mau Irava Parau 1530-1534.*

A h
tau.—
ravehi

Na
ei haap

E

te ham
faaiter
nei ma
hi te m
matou
E mai
viivii
maitate
SEMITA

Eaha
ori râ;
ratou r
ao.

No r
utuafar
tou ra,

Ua it
reira e
eita e t
tatou i t
tu i to t
e te mo

[*Te Toru o te Sabati.*]

A haapii atu i te huru no te Mileniuma, te maororaa o te tau.—Te tumu i faataahia'i te Mileniuma e te mau ohipa e ravehia i reira.

[*Te Maha o te Sabati.*]

Na te Peretiteniraa e haapii atu i ta ratou i mana'o e, e tano ia ei haapiiraa.

Na Te Mau Haapii Mahaere na te mau utuafare,

Te faaroo nei matou e, eiaha e eiâ, eiaha e haavare, eiaha hoi e taiata, ei aau marû ra, e te viivii ore, e te hamani maitairaa'tu i te taata atoa. E ia na ô tatou i te faaiteraa'tu, te pee nei matou i te a'oraa a Paulo, te faaroo nei matou, e te tia nei hoi i te mau mea atoa nei. E rave rahi te mau mea i faaoromaihia e matou, e te hinaaro nei hoi matou e, ia itoitoe matou i te tauoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mau mea poupouhia ra, e te mau mea roo maitatai ra, e feruri maite â ia matou i te reira. —IOSEPHA SEMITA-

Eaha te paieti mau, e te ino ore i mua i te aro o te Atua, maori râ; O te hamani maitai i te otare e te mau vahine ivi, i to ratou ra ati, e te tia maitai ia'na iho, eiaha ia viivii i teie nei ao.

1 Iakobo 1:27.

No reira ia haere te mau Haapii hahere na roto i te mau utuafare, ia haapii atu ratou i te Hiroa Faaroo hopea ia ratou ra, oia hoi, a haapii atu i te auraa o taua parau nei.

Ua ite tatou ei o te aroha te tiaraa o te aau maru, e no reira e aroha tatou i te taata tupu. No te aha? No te mea, eita e tia ia tatou ia aroha i te Atua, maori ra ia aroha atoa tatou i to tatou taata tupu. E te ravea maitai no te faaiteraa-tu i to tatou aroha ra, e mea na roto ia i te Tufaa Ahuru ra e te moni Tusia hoi.

TE SOTAIETE VAHINE TAUTURU.

Haapiiraa no te Ava'e SETEPA

Irava Tamau Aau: Mataio 11:29-30.

Mahana Maha (Matamua).

TE FAAROO—mai te au i tei haapiihia e Iesu.

Mataio 21:18-22; 14:22-31; Luka 8:22-25.

Mahana Maha (Piti).

TE MATA'U.—E mātā'u tatou i te aha? A haapii i te parau i roto i te Luka 12:1-32.

Mahana Maha (Toru).

TE RIRI.—O te taata i riri noa i to'na taeae e au atoa ia'ua te haavaraa.

Mat. 5:22; 3 Nephi 12:22; Genese 4:3-8; Iakobo 1:19-20.

A tapea atu i te mau parau riri e a mono atu i te parau mai ta Iesu iho i parau: *E faaore i ta ratou hara, aore hoi ratou i ite i ta ratou e rave nei.*

Mahana Maha (Maha).

TE AROHA.—E aroha'toa hoi outou mai to outou Metua e aroha maira.

Luka 6:36; 6:27-28; Ioane 8:1-11.

Mahana Maha (Pae).

Ei mahana ohiparaa, e a ore ra, ei mahana hi'opoaraa, tei te Peretiteniraa te maitiraa.

HAAPIIRAA SABATI.

Haapiiraa no te Ava'e SETEPA.

Irava tamau aau: III Nephi 11:29.

Na te pupu 3 e te 4.

Setepa 4. Ta Pahorana pahonoraatia.

Alama 61.

" 11. Ua vī te atī Lamana.

" 62.

" 18. Ua monohia o Helamana e Sibolona.

" 63.

" 25. E mahana hi'opoaraa.

Na te Pupu Piti.

Irava tamau aau. 1 Ioane 1:8,9.

Na te Orometua iho e maiti i te parau e au no ta'na pupu.

Setepa

"

"

"

H

Uiraa
maniraa

Pahon
tuafare

Uiraa
i Edene

Pahon
mai i te

Uiraa
mua no

Pahon
Oia. O

tane i tia

Uiraa
ro raua

Pahon
haapaoh

Uiraa
Edene?

Pahon
Uiraa
Adarnu

Te Paraimere.

Irava tamau aau: 1 Ioane 1:8,9.

Setepa 4. E mea nahea te roaaraa te mana, ia Iosepha, i Aiphiti.

" 11. O Iosepha, te hoa no tei poia.

" 18. O Iosepha, tei faaore i te hara o to'na mau tuaana.

" 25. Hi'opoaraa.

HAAPIIRAA NA TE FEIA API.

HAAPIIRAA NO TE AVA'E SETEPA.

Irava tamau aau: 3 NEPHI 9:14.

E Haapiiraa no nia i te

MI'ARAA

Tei papaihia e Levi Orometua.

Uiraa 1. Ua vai anei o Adamu ma, hou a'e i to raua hamaniiraahia i nia i te ao nei?*Pahonoraa.* E. Ua parahi to raua na varua i roto i te utuafare o te Atua.*Uiraa 2.* Eaha te mea tei hamanihia no rana, i roto i te Ò i Edene?*Pahonoraa.* Ua hamanihia to raua tino tahuti nei, no roto mai i te repo feuua, i roto i te Ò i Edene. *GENESE 2:7.**Uiraa 3.* No te aha ua maitihia o Adamu ei taata matamua no te haere mai i nia i te ao nei?*Pahonoraa.* No to'na itoito i roto i te ao varua i maitihia'i Oia. O Mihaela to'na i'oa i roto i te ao varua. Na'na o Sataane i tiahi i rapae i te ra'i no ta'na orure hau. *Apo. 12:7-20.**Uiraa 4.* I hea te maitiraahia o Adamu raua o Eva, ia riro raua ei na taata matamua te haere mai i nia i te ao nei?*Pahonoraa.* Ua maitihia raua i roto i te Apooraa rahi i haapaohia, e to tatou Metua, i te ra'i ra.*Uiraa 5.* Ua maoro anei to raua faaeearaa i roto i te Ò i Edene?*Pahonoraa.* Aita i ite papuhia te maoro.*Uiraa 6.* Eaha na faaueraa e piti ta te Atua i horoa ia Adamu ma?

Pahonoraa. 1.-Ua faaue te Atua ia faa-î raua i te fenua nei i te taata. 2.-Ua parau atoa te Atua ia raua: *Eiaha o-rua e amu i te maa no nia i te raau no te maitai e te ino.* Genese 2:17.

Uiraa 7. Ua tia anei ia haapao raua i taua na faaueraa e piti ra.

Pahonoraa. Aita. Mai te mea e haapaohia te tahi, ua ofatihia ia te tahi.

Uiraa 8. Eaha te faaueraa ta raua i haapao?

Pahonoraa. Ua amu raua te maa i rahui hia, ia faaîhia te fenua nei i te taata.

E Haapiiraa no nia i te

MI'ARAA

Tei papaihia e Levi Orometua.

& Iualiraa.

Uiraa 1. O vai tei haavarehia e te ofi?

Pahonoraa. O Eva ia. Ua ite o Adamu i te ohipa ta'na i rave e te utu'a ta'na e farii, hou to'na amuraa i te maa i rahuihia ra. 1 TIMOTEO 2:14.

Uiraa 2. Eaha te utu'a maitai ta raua i farii no te haapao-raa i te reira ture?

Pahonoraa. Ua ite raua i te maitai e te ino atoa hoi. Genese 3:22.

Uiraa 3. Eaha te utu'a ino ta raua i farii no to raua ofati-raa i te tahi ture, oia hoi, te amuraa i te maa i rahuihia?

Pahonoraa. Ua taa-ê raua i to raua Metua i te ra'i ra, e ua pohe to raua tino tahuti, ta te Atua i hamani no raua ra. Genese 2:17: 3:19.

Uiraa 4. Eaha te mahana i pohe ai raua?

Pahonoraa. Ua pohe raua te mahana i taa-ê atu ai raua i te Atua, oia hoi, i te mahana i tiahi hia'i raua, i rapae i te O i Edene, e te Atua. GENESE 3:23-24.

Uiraa 5. Ehia poheraa ta Adamu ma i farii, e ta raua hua-ai atoa?

Pahonoraa. E piti poheraa. 1^o. Te taa-ê-raa i te Atua; 2^o. Te taa-ê-raa o te tino varua e te tino tahuti, tei hamanihia i te repo. GENESE 2:17: 3:19.

Ui
ia te
Pa
Ui
Pa
Ui
Pa
rii pa
Ui
i Ta'i
Pa
mau t
te tur

Uir
ora ra
Pah
taata
Uir
Pah
tua, h
Uir
Pah
e ia or
Uir
TARAE
Pah
nia i te
hara a
Uir
Pah
faahou
hou tat

Uiraa 6. Ahiri raua i amu i to te raau ora ra, ua ahahia ia te opuaraa a te Atua ?

Pahonoraa. Ua faaorehia ia te opuaraa a te Atua.

Uiraa 7. No te aha e faaore hia'i te opuaraa a te Atua ?

Pahonoraa. Aita ia tatou i fanauhia i nia i te ao nei.

Uiraa 8. Eaha mau te opuaraa a te Atua ?

Pahonoraa. Ua opua te Atua ia faariro i Ta'na mau tamarii paatoa mai Ia'na te huru.

Uiraa 9. Eaha na mea ta te ture i titau, hou te faaotiraa i Ta'na opuaraa ?

Pahonoraa. 1^o-Ua titau te ture ia ite te taatoaraa o Ta'na mau tamarii, i te maitai e te ino atoa hoi. 2^o-Ua titau atoa te ture ia farii Ta'na mau tamarii atoa i te tino i'o e te ivi.

E Haapiiraa no nia i te

Taraehara

Tei papaihia e Levi Orometua.

Uiraa 1. Eaha ta Adamu ma ravea, e to raua huaai, ia ora ratou i te poheraa o te tino ?

Pahonoraa. Na roto i te TARA EHARA o te Mesia e ora'i te taata atoa. ROMA 5:8-11.

Uiraa 2. I nafea te faaineineraahia te TARA EHARA ?

Pahonoraa. I roto i te Apooraa rahi i faatihia, e te Metua, hou te hamaniraa o teie nei ao. 1 PETERO 1:20.

Uiraa 3. Eaha te tumu i faaineine atea hia'i te TARA EHARA ?

Pahonoraa. No te mea ua ite te Atua e, e hi'a o Adamu, e ia ore ra, e faufaa ore hia ia Ta'na opuaraa rahi.

Uiraa 4. Eaha te faufaa i roaa mai, ia tatou, na roto i te TARA EHARA a te Mesia ?

Pahonoraa. E tia faahou te mau taata atoa tei fanauhia i nia i teie nei ao, noa'tu i ta ratou iho hara, e a ore ra, no te hara a Adamu. IOANE 5:28-29; OHIPA 24:15.

Uiraa 5. Ua aha hia te hara tumu e Iesu ?

Pahonoraa. Ua faaorehia te hara tumu, no te mea e tia faahou te mau taata paatoa, no te pohe atu, e e farerei faahou tatou i to tatou Metua i te ra'i ra. I KOR. 15:22-23.

Uiraa 6. Eaha te piti o te pohe ?

Pahonoraa. O te taa-ê faahou raa ia i te Atua. Apo. 20:14.

Uiraa 7. O vai ratou te farii i te piti o te pohe ?

Pahonoraa. O ratou te ore e au ia parahi faahou i pihai-
iho i te Atua, oia hoi, te mau taata hara. Apo. 20:12-15.

Uiraa 8. I hea ia ratou e parahi ai ?

Pahonoraa. I pihaiho ia Satane.

TE PARAIMERE

A tamau noa i te haapiiraa i te parau Tuatapapa no Iosepha SEMITA.—E a haamata i te faatere i te haapiiraa hoho'a no te Amuiraa Atopa.

Eaha te Huru mau o te ATUA?

EAHA te huru mau o te ATUA? E tino anei to'na, e a ore ra, e varua ana'e anei Oia? Te faaroo nei matou e, e tino hanahana To'na, area ra, te parau mai nei te tahi mau haapaoraa êê, aita roa'tu to te ATUA e tino, area ra, e varua ana'e Oia. E te mǎro nei ta ratou mau haapiiraa e, aore roa i faaitehia i roto i te Bibilia e, e tino to te ATUA, area ra, ua tupu taua parau ra no roto mai i te fenua ra o Roto Miti.

E homa, nahea te parau i papaihia i roto i te Genese 1: 26-27: *Ua parau ihora te Atua, E hamani tatou i te taata ma to tatou iho huru, ia au i to tatou iho hoho'a.*—*Hamani ihora hoi te Atua i te taata ma to'na iho huru, i hamani Oia ia'na ma te hoho'a o te Atua ra; i hamani oia ia raua, o te tane e te vahine.* Te faaroo nei matou e, e parau mau roa ta te reira parau, area ra, o teie ia ta ratou pahonoraa, e ere to tatou tino tei riro ei hoho'a no te Atua, o to tatou ra varua.

E tai'o faahou tatou i teie na irava e a feruri tatou i nia iho i te auraa mau no teie nei parau: Hamani ihora te Atua i te **Taata** ma to'na iho huru—

E a
i tei p
o teie
tino p
varua
na'e,
tino ta
haman
To'na
Atua!
Aore
Atua i
ihora t

Aita
mau, e
nahana

E m
mau v
haman
Aita; a
o Iehov

Ahir
tatou i
ia mat
ra, aita
i rotop
A hi'o
mai na
outou e

Ua
na tia f
ru. (Ioa
ratou Ie
i te am

'E te
Iesu i r
maue at

E aha teauraa mau o te parau **Taata**? Teie ia, mai te au i tei papaihia i roto i te mau buka auraa parau: te taata ia o teie nei ao. Oia hoi, o tatou ia, i to tatou vai raa i roto i te tino pohe noa ra. No reira tatou i ite ai e, e ere te taata i te varua, o te varua ana'e ra. E ere atoa te taata i te tino ana'e, o te taata pohe ia, area ra, ia amuihia te varua e te tino tahuti, e riro ia te reira ei **Taata**. E mai te mea e, ua hamani te Atua i te **Taata** (te varua e te tino tahuti) ma To'na huru e ma To'na iho hoho'a, e mea papu e tino to te Atua!

Aore i papaihia i roto i te Genese: Hamani ihora hoi te Atua i te Varua o te Taata, area ra, ua papaihia e: **Hamani ihora te Atua i te Taata**.

Aita matou e parau nei e, aita to te Atua e varua. Oia mau, e varua, area ra, e tino atoa To'na, oia hoi, e tino hanahana,— e tino tahuti ore.

E mea tia anei ia mana'o tatou e, ua hamanihia to tatou mau varua e te Atua, area, to tatou mau tino ra, aore ia i hamanihia e te Atua, e mea tupu noa no roto mai te repo? Aita; a tai'o tatou i te Genese 2:7: *A hamani ai te Atua ra o Iehova i te taata i te repo fenua nei.*

Ahiri ua haaputuputuhia tatou i te vahi hoê e e pure ana'e tatou i te Atua ma te ani atu: 'E te Atua e, a faaite mai na ia matou nei i to Oe huru mau. E tino anei to Oe, e a ore ra, aita anei? E mea papu e, mai te mea e tae mai te Mesia i rotopu ia tatou nei, e a'o mai Oia ia tatou ma te parau e: *A hi'o mai na i ta'u rima e ta'u avac; o vau mau â; a fafa mai na ia ite: aita to te varua e i'o e te ivi mai to'u nei, ta outou e hi'o mai nei.* E faaroo anei ia tatou e tino To'na?

Ua na reira o Iesu i te mau Aposetolo i muri a'e i To'na tia faahouraa mai. U fâ mai oia ia ratou i na taime e toru. (Ioane 21:14). Ua ite mata ratou Ia'na, e ua paraparau ratou Ia'na: ua fafa ratou i To'na tino e ua ite ratou Ia'na i te amuraa i te maa.

'E tei te parauraa raua i taua parau ra, ua tia uoa maira Iesu i rotopu ia ratou, na ô maira, Ia ora na outou. Hiti-maue atura ratou, e te mehameha, parau a'era e varua ta ra-

tou i hi'o ra. Uu parau maira Oia ia ratou, Eaha outou i hi-maue ai? eaha i tupu ai te mana'o i to outou aau? **A** hi'o mai na i tau rima e ta'u avae; **O** Vau mau a; a fafa mai na ia ite; aita o te varua e i'o e te ivi mai To'u nei ta outou e hi'o mai nei. (Luka 24:26-39). E na muri a'e i te reira, ua horoa ratou i te i'a e te melikerio Ia'na, Ua rave ihora Oia, amu ihora i mua i to ratou aro. Luka 24: 43.

Ua faaite papu roa o Iesu ia ratou e, e ia tatou atoa hoi, ua tia faahou mau Oia; e ua faaite atoa Oia ia ratou e, e tino mau To'na. Ua na reira Oia na muri a'e i Po'na poheraa.

E mai te mea e parau tatou e, aita to Iesu e tino, aita ia tatou i faaroo i Ta'na parau, e eita e tia ia tatou ia faahapa i te parau a te Mesia.

Papathia e To'are Orometua.

TE TAATA MAAU NO GENOA

I TE hoê tau, mai te hura ra e pae hanere matahiti i mairi a'enei, i roto i te hoê tufaa fenua iti tei parauhia o Genoa, i Europa, ua fanauhia mai te hoê taata tei topahia te i'oa ra o CHRISTOFORO COLOMABUSO. Riro a'era hoi taua taata ra o COLOMABUSO ei taata maramarama e te itoitoe e ei taata etaeta roa hoi i te faatupuraa i te ohipa i au i to'na mana'o e i to'na hinaaro. Ua ite noa hia ra oia e ua parauhia hoi oia, e te mau taata, **O te Taata Maau no Genoa.** Te tumu ra ratou i parau ai ia'na i taua huru parau ra, no te mea ia tupu mai te hoê mana'o i roto ia'na, ua etaeta roa oia i te faaite atu i te reira i te mau taata, i te na ô raa'tu e, *E mea menemene teie nei ao.* Aita roa ra te mau taata i farii i to'na mana'o i taua taime ra, no te mea ua mana'o noa ratou e, e mea papu noa te ao nei, e mai te mea e faatere afaro noahia'tu te hoê pahi na nia i te moana, e tae ihoa ia oia i te hopea o te ao nei e e topa hoi oia i raro i te pohe. Ua rahi atu â hoi te mau ati ta ratou i mana'o e, e farereihia i roto i te moana, e no reira ua mätä'u roa ratou i te tere atu i te mau vahi atea, a mo'ehia e a topa hoi ratou i raro.

I te
i to ra
ai mau
i itehi
vahi i
faaati
haere,
te tae

E m
e no to
oia i m
e aita l
oia e, e
te terer
roa hia
meneme

Ahiri
ua ohie
ta i tau
ia faait
nei ao.

aa ia'na
Ua faai
nua i te
na i te
naaro ia
ta maau
hi ta'na
faaitoit
ta'na i l
aro o te
ia'na ia
te mau
ISABELLA
te mau f
BELLA i
e te mau
te mau

I te reira tau, ua ite ratou i te hoê fenua huru fatata mai i to ratou fenua e tei parauhia o *Initia*. Ua tere atu hoi veta-ai mau taata i reira, no te piru e te mau faufaa e rave rahi i itehia i taua fenua ra. Tei te vahi atea roa teie fenua i te vahi i parahihia e ratou ra, e i to ratou tereraa'tu i reira, ua faaati noa ratou i te fenua, e ua atea roa te vahi ta ratou i haere, no te mea ua mätä'u ratou ia imi i te tereraa poto o te tae atu ratou i te hopea o te ao nei e a pohe atu ai.

E mea huru ê ra te mana'o o teie taata ra o COLOMABUSO, e no to'na mana'o hoi e, e mea menemene teie nei ao, aita oia i mätä'u i te haere i te mau vahi atea i nia i te moana, e aita hoi oia i mana'o e, e topa te pahi i raro. Ua mana'o oia e, e tae noa te pahi i te fenua *Initia*, ia faaafaro noa hia te tereraa'tu na nia i te moana, e ia na reirahia, e haa poto roa hia te tere e e haapapuhia hoi i te mau taata e, *E mea menemene te ao nei*.

Ahiri hoi e, e taata faufaa o COLOMABUSO e e pahi ta'na, ua ohie roa ia ia'na ia faatupu i to'na iho hinaaro e ia tama-ta i taua tere i te fenua *Initia* ra na ropu i te moana rahi, e ia faaite papu i te mau taata o te ao nei e, *Ua menemene teie nei ao*. No te mea ra, e taata huru veve oia, ua fifi roa ia roa ia'na te hoê pahi e te mau mea i titauphia no te tereraa. Ua faaitoito noa râ oia i te haere, mai tera fenua i tera fenua i tera fenua, no te imiraa i te hoê taata no te tauturu ia-na i te horoaraa mai i te hoê pahi. Aita roa ra te taata i hinaaro ia tauturu ia'na, no te mea ua mana'o ratou e, e taata maau teie e e mo'e ihoa ratou ia haamatahia taua tere rahi ta'na e opua ra. Noa'tu ra i te mau fifi ta'na i farerei, ua faaitoito noa oia i te imiraa i te ravea e noaa'i ia'na te pahi ta'na i hinaaro ra. I muri iho ra, ua tae roa oia i mua i te aro o te Arii vahine no Paniora, o ISABELLA, e ua ani atura ia'na ia horoa mai oia i te tahi na pahi, e te mau Raatira e te mau mataro, no taua tere no'na ra, ma te parau atu ia ISABELLA, ia manuia noa'tu to'na tere, e horoahia'tu na'na te mau faufaa atoa te roa ia ratou ra. Ua farii atura o ISABELLA i to'na mana'o e ua horoahia'tu ia'na, na pahi e toru e te mau Raatira. Ua tupu faahou ra to'na fifi i te imiraa i te mau mataro, no te mea ua iti roa te taata tei mana'o e, e

manuihia taua tere ra. I te hōpea ua roaa mai ia'na te tahi mau taata tei tapeahia i roto i te fare auri, e ua faarirohia ratou ei mau mataro na'na ra, e ua haamata atura ratou i to ratou tere ra.

E mau pahi ta ie to ratou, e no te tere ore o te mau pahi ua maoro roa ratou i tua. Ua farerei ratou i te mau peapea e rave rahi, e ua orure te mau mataro e ua fatata ratou i te taparahi ia COLOMABUSO e te mau Raatira, ia tia ia ratou ia ho'i i Paniora. I roto i taua mau peapea rahi, ua tiaturi noa o COLOMABUSO i te Atua ia tauturu mai e ia aratai ia ratou i nia i te fenua, e aita roa to'na mana'o i haaparuparuhia e hoê iti a'e: ua na ô uoa mai ra ta'na faaueraa etaeta, i te mau mahana atoa, *E tere â! E tere â! Te vai ra te fenua i mua.*

I te hoê mahana, a fatata'i ratou atoa i te pohe i te poia e te poiha, ua ite atura ratou i te hoê fenua i mua ia ratou, e tupu ihora to ratou oaoa rahi no te mea ua faaorahia ratou.

Ua mana'o ihoa o COLOMABUSO e, o Initia te fenua tei taeahia e ratou, e ua haamata ratou i te mataitai e i te imiraa i te piru. Aita râ ta ratou piru i noaa; ua tupu roa ra to ratou maere i te mea, ua farerei ratou i te tahi mau taata huru ê roa i reira, ua tapaohia ratou i te iri huru ereere, e e reo huru ê roa hoi to ratou. Ua topa ihora o COLOMABUSO i te i'oa ra *Initia* i nia ia ratou no te mea ua mana'o noa ratou e, o Initia taua fenua ra.

I teie nei mau mahana te ite nei tatou i to ratou hape, no te mea, e ere roa o Initia te fenua ta ratou i tae atu, o America ra. Tera ra, ua mau roa te i'oa Initia, ta'na i faatopa i nia iho i taua mau taata i farereihia e ratou ra. Noa'tu râ, e fenua ê ta Colomabuso i tapae atu, na manuia noa oia i te vahi ra e, ua faaitohia ite ao atoa nei e, *Ua menemene teie nei ao.* I teie nei, ua ite noa hia o Christoforo Colomabuso, e te ao atoa nei, ei taata maramarama e te mātā'u ore, e o oia te taata matamua tei ite faaoou i te fenua America, i te tau hopea nei, e aore i parau faahou hia e, e taata maau.

O va
hia te
taaata
te pah
noraa

A hi
va'e i r

I te 1
i te fenu
ei Peresi
mau noa
oia i to'n
i na mata
tau. E ta
au, te far
no reira,

Ua to
parau te
Francis I
oia i roto
ua inoino
re faaitoi
rave ihora
atura oia
na mana'
taote, e i
te ao nei
tei mana'

Aita t
leia. E ta
ne; te par
rani, no r
ratou mau

I te oi
faahoro p
puai hoi n
te mau fei

O vai mau ra teie mau taata ta ratou i farerei e o tei topa-hia te i'oa Initia ? Ua vai noa te reira uiraa i rotopu i te mau taaata o te ao nei, mai te matamua mai â, e aore â i itehia te pahonoraa tia i te tahi pae. E roaa anei ia tatou te paho-noraa mau ?

A hi'o tatou i te pahonoraa, i roto i te ve'a nei, i teie mau a-va'e i mua nei.

Papaibia e HENERE Orametua.

TE MAU PARAU API

I te 10 no Tiurai i mairi a'enei ua pohe roa o PAHOA â TAHIAROA i te fenua ra o Marokau, Tuamotu. Ua faataahia oia, e Farani Fulumare, ei Peresibutero Tiai no te Amaa i Marokau, i te 6 no Eperera 1912, e ua mau noa oia i taua toroa e tae noa'tu i to'na poheraa. E taata itoito mau oia i to'na oraraa, no te mea, ua mau atoa oia i te toroa Tavana Mataeinaa i na matahiti e hitu e ua riro atoa oia ei Orometua haapii tamarii i te tahi tau. E tamuta to'na toroa mau, e i to'na oraraa ua hamani oia i te fare ra-au, te fare ofai, te tura pape e te poti atoa hoi; e taata haehaa e te here hoi no reira, i to'na poheraa ua faaturahia oia e to Marokau atoa.

Ua tohu te taote e, e pohe oia. E toru matahiti i mairi a'enei, ua parau te tahi mau taote, no Sommerville, America, i te tamaiti ra o John Francis Roach e mea maitai ia'na ia faarue i te haapiiraa, no te mea e pohe oia i roto i te hoê matahiti. No te reira parau ua faarue oia i te haapiiraa e ua inoino roa hoi oia. Ia tae i te hoê mahana ua tomo oia i roto i te hoê fa-re faaitoitoraa tino e i reira ua anihia oia ia haapii i te amo i te mea teiaha; rave ihora oia i taua ohipa ra no te faa arearea ia'na, e ia huru maoro ite atura oia e, ua huru maitai oia. I reira faahope atura oia i to'na puai e to-na mana'o i nia i taua ohipa ra, ma te feruri ore faahou i te tohu a te mau taote, e i teie nei ua ora roa to'na ma'i e ua riro oia ei tamarii puai roa'e o te ao nei no te mea e maêê ia'na e 243 kilo ma te ohie roa. No te hoê taata tei mana'ohia e pohe, e mea faahiahia mau.

Aita to'na e basileia. Te vai mau nei te hoê taata aita to'na e basi-leia. E taata taria turi e te vava hoi tei tupuni na nia i te hoê pahi Barata-ne; te parau nei oia e taata Farani oia, area ra aita oia i itehia e te hau Fa-rani, no reira aita roa oia e faatiahia nei, e na Hau e 30, ia haere i uta, i to ratou mau fenua.

I te oira o Istambul, Turekia, ua faatiahia te hoê ture apî no te feia faahoro pereoo uira, oia hoi, e titan hia e, ei feia tino rahi, te maitai e te puai hoi no te faatere peeroo uira, e e ore roa e horoahia te parau faatia i te mau feia tino paruparu.

Ne te mau peapea i Europa ua faarahi o Farani i to'na nuu faehau no te tiarā i to'na mau otia, e i teie nei ua tae to'na nuu i te hoê milioni faehau tei ineine maitai.

I te ava'e no Tiurai i mairi a'enei, ua haere te Arii tane e te Arii vahine no Baratane i te fenua Farani. Ua faaea raua i reira i na mahana e 6. Ua faatupuhia, e te hau Farani, te tahi mau oroa hanahana no te fariiraa ia raua i to raua haereraa mai. Ua riro teie tereraa to raua ei faaiteraa e, ua tahoê roa te Hau Farani e te Hau Baratane i teie nei. Hou to raua ho'i-
raa i Baratane ua ani raua ia haere te Peretiteni no te Hau Farani i te fenua Baratane no te farereiraa ia raua i reira.

Te parau no te tama'i. I teie nei mau mahana te haere noa nei te tama'i i te fenua Tinito. Noa'tu e, te haere nei te Japone i mua, i te tahi mau vahi, te haere noa nei te Tinito i te itoitoe e te papuraa i te ohipa tama'i.

I te fenua Paniora ra, te vai noa ra te reira ohipa ma te tuntuu ore, e i teie nei mahana te manuia nei te pae o te Hau, noa'tu e te tauturuhia nei te feia orure hau e te Italia e te Purutia.

E puaatoro rahi mau. I roto i te hoê hi'opoaraa tei faatupuhia i Roto Miti, Utaha, i te ava'e i mairi a'enei, ua faaitohia te tahi mau mea mae-e e rave rahi, mai te teateraa na te tutua, te mau animala huru e e tae noa tu i te puaatoro faate u rahi roa a'e i te ao nei, no te mea e tae to'na faito i te hoê tane e te afa i te teiaha.

I te ava'e i mairi a'enei, ua faaitohia te ao nei, e te taata Marite ra o HUGHES, e to'na na tauturu e maha, na nia i te hoê pahia reva, i roto i na mahana e toru e e 19 hora.

E taote itoitoe mau. Noa'tu e ua tae oia i te 103 raa o to'na matahiti te rave itoitoe roa ra te taote ra o William Eberle THOMPSON i ta'na ohipa i te oire ra o Bethel, America. Ua faaitoe oia e, e 12 ratou, i roto i to ratou fetii, tei mau i te toroa taote, e i teie nei, e piti noa iho raua e toe nei; e te mana'o nei oia e, e rave rahi a te matahiti ta'na e farerei.

I te 18 no Tiurai i mairi a'e nei i pohe roa'i te Arii vahine metua no Rumania, o MARIA, i te 62 raa o to'na matahiti. Ua tui te roo o taua Arii vahine ra no to'na nehenehe e to'na itoitoe i te tautururaa i ta'na tane i te faatereraa i taua basileia ra.

*Te hoo o teie nei ve'a:
E pae farane i te matahiti hoê;
E hoê ahuru farane no na matahiti e toru.*

Marcel Bonnet Gérant
Kenneth R. Stevens, Imprimeur.
Rue Dumont d'Urville, Orovini, Papeete, Tahiti.